



15. maj 2023

Aqqalu C. Jerimiassen

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

1. **Ulloq unnuarlu angerlarsimaffinni pisortat ingerlataanni sulisut meeqqallu immikkut wc-qarnissaannik piumasaqaataat atuutsinneqarpa?**
2. **Ulloq unnuarlu angerlarsimaffinni pisortat ingerlataanni meeqqat tamarmik immikkut sinittarfeqarnissaat atuutsinneqarpa?**
3. **Ulloq unnuarlu angerlarsimaffinni namminersortut ingerlataanni amerlanertigut inissiat attartorneqartarmata, Naalakkersuisup piviusorsiortutut isiginerpaa immikkut wc-qartitsinissamik immikkullu meeqqat sinittarfeqarnissaannik piumasaqaateqarneq?**
4. **Ulloq unnuarlu angerlarsimaffiit namminersorlutik ingerlatsisut sinneqartooqqusaanngimmata piviusorsiortuunerpa alliliinissamut, allanngortiterinissamullu ileqqaarsinnaatitaannginnerat?**
5. **Ulloq unnuarlu angerlarsimaffinnik ingerlatsisut Naalakkersuisuniit isumasiorneqartarnerisa kingorna sullissisut misilittagarpasuatik tunngavigalugit allannguutissatut siunnersuuterpassui atorineqartarpat?**
 - a. **Taamaassimappat suut tusaaneqarlutik piviusunngortinneqarpat?**
6. **Ulloq unnuarlu angerlarsimaffinnut 2017-mili akuerseqqittarnermik piumasaqaateqalernerata kingorna ulloq unnuarlu angerlarsimaffiit namminersortut qassit akuerisaappat?**
7. **Sagsbehandlerit inatsisitigut tunngavissaqarpat Namminersorlutik Oqartussat nalunaarutaata nr. 50, 31. august 2021-mersumi allaqqanngitsunik qaavatigullu allanik ulloq unnuarlu angerlarsimaffinnut namminersortut ingerlataannut piumasaqaateqassallutik?**
8. **Ulloq unnuarlu angerlarsimaffit pillugit inatsisip naapertuunnerusumik meeqqamut tulluarsagaasumik sullissisullu misilittagaat tusaallugit allanngortinnissaanut Naalakkersuisut piumassuseqarpat?**
9. **Ulloq unnuarlu angerlarsimaffiit Namminersorlutik oqartussat ingerlataat immaqaluunniit namminersortutut ingerlasut, sorliit ingerlatsinikkut akisuneruppat, toqqaannartumik toqqaannanngitsumillu aningaasartuutit,**



allaffissornikkut aserfallatsaaliinikkut angallassinikkut pisiortornikkullu tamakkiisumik aningaasartuutit ilanngukkaanni?

(Inatsisartuni ilaasortaq Aqqalu C. Jerimiassen, Atassut)

Tunngavilersuut

Ulloq unnuarlu paaqutaqartartut pikkorissariartarnerminni ilisimatuussutsikkut periutsit nutaat atorlugit paasisaat tassaavoq qatanngutigiit angerlarsimaffiup avataanut inissinneqarsimasut toqqissisimanartinnerusaraat ineqatigiinnissartik.

Nalunaarummi piumasaqaatini ilaavoq sulisut meeqqallu immikkut perusersartarfeqassasut. Malunnarpoq avataaniit pissutsiniit, kiisalu angerlarsimafferujussuarnut tulluarsagaasoq. Nunatsinnimi ulloq unnuarlu angerlarsimaffippasuit illuinnarni ingerlanneqartartut. Taamaattumik piviusorsiorpalaannigilaq nunatsinni taamatut piumasaqaateqarnissaq, qaavaticullu illuinnaat taakku attartugaasarmata allangortiteriaannaasarnatik.

Inuit oqaluttarput namminersorlutinngooq ingerlatsisut aningaasannanniarfiinnaasut naak sinneqartooruteqarsinnaatitaannigkkuartut, allaallumi politikkerit ilaatigut aningaasannanniaaneraallutik oqaaseqartarlutik. Piviusorli tassaavoq namminersortuusut aningaasartuutit suullunniit tamakkiisumik akilertarmatigit, illuatungaanili namminersorlutik oqartussat ingerlataanni nammineeirlutik aningaasartuutit qaavaticut allaffissornikkut iluarsartuussinikkut allatigullu aningaasartuutit socialstyrelsimiit akilerneqartarlutik.

Nalunaarummilu allaqqanngitsunik qaavaticut Naalakkersuisoqarfimmiit nikerartumik assigiinngiaartunillu piumasaqaateqartoqartarnera avataaniillu nunatsinni pissutsinut ilisimasaqarpiaratik suliaqartoqaqqissanngippat ersarinnerusumik naapertuunnerusumillu nalunaarut suliarineqartariaqassappat Naalakkersuisoq isumasiorparput.

Ulloq unnuarlu angerlarsimaffiit meeqqat atorlugit aningaasannanniarartut isigineqartarneri apeqqusernarpoq, tassami sinneqartooruteqaqqusaanngillat. Kiisalu sullisserusuttuunerat, misilittagaqarluarnerallu atorluaqqunarpoq meerarmi uani qitiulluinnarpoq.